



დაფინანსებულია ENPARD-ის მიერ  
- ევროკავშირის პროგრამა  
სოფლისა და სოფლის მეურნეობის  
განვითარებისთვის

with funding from

Austrian  
Development Cooperation



## ქეა საერთაშორისო კავკასიაში

პროექტი “სოფლის თანამონაწილეობითი განვითარება საქართველოში“

ლაგოდეხის მუნიციპალიტეტი

საგრანტო სახელმძღვანელო

ადგილობრივი სოციალურ-ეკონომიკური ინიციატივების  
მხარდასაჭერად

## 1. პროექტის ზოგადი მიმოხილვა

პროექტი „სოფლის თანამონაწილეობითი განვითარება საქართველოში“ ხორციელდება ევროპის სამეზობლო პროგრამის სოფლისა და სოფლის მეურნეობის განვითარებისათვის (ENPARD) მხარდაჭერით და მიზნად ისახავს ლაგოდეხის მუნიციპალიტეტში სიღარიბის შემცირებას, დასაქმების მაჩვენებლების გაზრდასა და საცხოვრებელი პირობების გაუმჯობესებას, ადგილობრივ განვითარებაში მონაწილეობის და თანამშრომლობის ისეთი მოდელის შემოღებით, რომელიც ევროპულ გამოცდილებაზე იქნება დამყარებული.

პროექტის განხორციელების ერთ-ერთ უმთავრეს ინსტრუმენტს წარმოადგენს LEADER კონცეპცია, რომელიც სოფლის განვითარებისადმი ინტეგრირებულ მიდგომას გულისხმობს. პროექტის მიზანია ადგილობრივ დონეზე არა მხოლოდ ეკონომიკური სექტორის განვითარება, არამედ მიზნად ისახავს ისეთი მიმართულებების მხარდაჭერასაც, რომელიც ხელს შეუწყობს გარემოს დაცვას, სოციალური სექტორის განვითარებას და მოწყვლადი ჯგუფების დაცვას.

**LEADER** მიდგომის , როგორც პროექტის განხორციელების უმთავრესი ინსტრუმენტის გამოყენებით ლაგოდეხის მუნიციპალიტეტში ჩამოყალიბდა „ლაგოდეხის განვითარების ჯგუფი“ (LAG), როგორც საკონსულტაციო პლატფორმა, რომელიც უზრუნველყოფს ადგილობრივი აქტორების მობილიზებას მუნიციპალიტეტის განვითარებისათვის. აღნიშნული პლატფორმის ჩამოყალიბებას წინ უსწრებდა ადგილობრივი მოსახლეობის სათემო მობილიზაციის პროცესი, რომლის შედეგადაც დაიწყო ადგილობრივი განვითარების სტრატეგიის მომზადება, განისაზღვრა ძირითადი პრიორიტეტული მიმართულებები, რომელიც საფუძვლად დაედო საგრანტო კომპონენტის განხორციელებას.

პროექტს ახორციელებს ქეა საერთაშორისო კავკასიაში და მისი პარტნიორია ესპანურ ორგანიზაცია “ETEA Foundation,” ხოლო ასოცირებული პარტნიორები WWF და საქართველოს ადგილობრივ თვითმმართველობათა ეროვნული ასოციაცია NALAG.

## 2. საგრანტო პროგრამის მიზანი

**საგრანტო პროგრამის მიზანია** ლაგოდეხის მუნიციპალიტეტში სოფლად სიღარიბის შემცირების, სამუშაო ადგილების შექმნისა და საცხოვრებელი პირობების გაუმჯობესების სტიმულირება.

### **საგრანტო პროგრამის სპეციფიკური ამოცანა:**

ქვა საერთაშორისო კავკასიაში აცხადებს საგრანტო კონკურსს, რომლის ამოცანაა ლაგოდეხის მუნიციპალიტეტში ისეთი ტიპის სასოფლო-სამეურნეო და არა-სასოფლო-სამეურნეო ინიციატივების მხარდაჭერა, რომლებიც ადგილობრივი მოსახლეობისა და ლაგოდეხის განვითარების ჯგუფის (LAG) მიერ გამოვლენილ ადგილობრივ პრიორიტეტებს პასუხობენ.

## 3. გრანტები გაიცემა ისეთი პროექტების მხარდასაჭერად, რომლებიც ხელს შეუწყობენ :

1. სასოფლო-სამეურნეო ინფრასტრუქტურის გაუმჯობესებას.
2. სასოფლო-სამეურნეო წარმოებისა და ღირებულებათა ჯაჭვის გაუმჯობესებას.
3. სოფლის მეურნეობისა და სხვა წამყვან სფეროებში კვლევებისა და საკონსულტაციო სერვისების მიწოდებას ადგილობრივი მოსახლეობისათვის.
4. გარემოზე ზეგავლენის შემცირებას.
5. ცნობიერების ამაღლებას გარემოს დაცვით საკითხებზე.
6. სოციალური დაცვისა და გენდერული თანასწორობის გაზრდას.
7. ტურისტული მიმზიდველობის გაზრდას.
8. სოციალური ინფრასტრუქტურის გაუმჯობესებას.

## 4. საქმიანობების შესაბამისობა და დაფინანსების ოდენობა

### 4.1. საგრანტო პროგრამა მხარს უჭერს საქმიანობებს შემდეგ სფეროებში.

(გთხოვთ გაითვალისწინოთ, რომ აღნიშნული სია არ არის სრული)

#### **კომერციული - არასასოფლო-სამეურნეო და სასოფლო-სამეურნეო მიმართულებები**

- სასოფლო-სამეურნეო საქმიანობის კომერციალიზაციისა და ფერმერთათვის ბაზრებზე წვდომის გაზრდის მიზნით, მცირე ზომის მდგრადი სარეაბილიტაციო ინფრასტრუქტურული ინიციატივები.
- თანამედროვე სასათბურე მეურნეობის განვითარება.
- შესანახი და სამაცივრე მეურნეობის განვითარება.

- სადისტრიბუციო ქსელის განვითარება სასოფლო-სამეურნეო პროდუქციის წარმოების გაუმჯობესების მიზნით.
- ეკონომიკურად რენტაბელური სასოფლო-სამეურნეო ტექნოლოგიებისა და აღჭურვილობის შემოღება და მხარდაჭერა;
- ბიო წარმოების მხარდაჭერა
- საფერმერო საქმიანობის მხარდაჭერის სერვისების შემოღება (რომელიც შეავსებს სახელმწიფო ბალანსზე მყოფი, ფერმერთა სერვის ცენტრების მიერ გაწეულ მომსახურებას) და აგრობიზნესების დაარსება (ტექნიკა, საწარმოო რესურსები, პროდუქციის კონსოლიდირება, შეფუთვა, დამუშავება, მართვა, ტრანსპორტირება და მარკეტინგი)
- ტურისტული ინფრასტრუქტურის გაუმჯობესება.

#### სოციალური და არაკომერციული მიმართულებები

- სოციალური აქტივობები, რომლებიც მიმართულია ახალგაზრდების ქალებისა და სპეციალური საჭიროებების მქონე პირთა მხარდაჭერისაკენ.
- გენდერული თანასწორობის შესახებ ცნობიერების ამაღლებისკენ მიმართული საქმიანობის მხარდაჭერა.
- გარემოს დაცვის მიმართულებით გასახორციელებელი საქმიანობის მხარდაჭერა.
- კულტურული და სოციალური ღონისძიებების მხარდაჭერა.
- საგანმანათლებლო აქტივობები, რომლებიც მიმართულია ადგილობრივი მეწარმეების/ფერმერების ცნობიერების ამაღლებისაკენ სოფლის მეურნეობისა და ეკონომიკის სხვა სფეროებში არსებული კანონმდებლობაზე, რეგულაციებსა და პროგრამებზე.

#### 4.2. საგრანტო პროგრამის ფარგლებში შემდეგი სახის საქმიანობები არ დაფინანსდება:

- საგრანტო რესურსებით უძრავ ქონების (მიწა, შენობები) შეძენა ;
- შინაური საქონლის (პირუტყვის) შესყიდვა.
- ცალკეული პირების დაფინანსება სემინარებზე, კონფერენციებსა და კონგრესებში მონაწილეობის მიღების მიზნით;
- ისეთი ქმედებები, რომელმაც შესაძლოა გამოიწვიოს ცალკეული პირების ან ჯგუფების დისკრიმინაცია სქესის, სექსუალური ორიენტაციის, რელიგიური მრწამსის

ან მისი არქონის, ან ეთნიკური წარმოშობისა და პოლიტიკური პარტიების მხარდაჭერის მიხედვით.

#### 4.3. ხარჯების შესაბამისობა: ხარჯები, რომელთა გათვალისწინება შეიძლება გრანტის მისაღებად

გრანტის ფარგლებში დაფინანსდება მხოლოდ „დასაშვები ხარჯები“.

„დასაშვები“ და „დაუშვებელი“ ხარჯების კატეგორიებია:

#### 4.4 დასაშვები ხარჯები<sup>1</sup>

ხარჯები აღნიშნული განაცხადის მიზანს უნდა პასუხობდეს და შესაბამისი საქმიანობების განსახორციელებლად იქნას გამოყენებული:

- სამშენებლო მასალები და ტექნიკა ინფრასტრუქტურული პროექტებისთვის;
- სასოფლო-სამეურნეო რესურსები (სათესლე მასალა, სასუქი, პესტიციდები)
- საფერმერო და სასოფლო-სამეურნეო ტექნიკა/აღჭურვილობა;
- სასწავლო მასალების მომზადება და ბეჭდვა;
- მედია სერვისი; (ადვოკატირების მასალების ბეჭდვა, ადვოკატირების კამპანიის ჩასატარებელი მასალების მომზადება და სხვა);
- ტრენინგისა და კვლევის მონაწილეთა მხარდაჭერა (გარდა ხელფასების, ტრანსპორტირებისა და საწვავის ხარჯებისა)
- მწარმოებელთათვის სასოფლო-სამეურნეო/ბიზნეს გამოფენებსა და ბაზრობებში მონაწილეობის საფასურები;

ზემოხსენებული ჩამონათვალი არ არის ამომწურავი. გრანტით გათვალისწინებული შესყიდვა საჭიროებით და გონივრულობით უნდა იყოს განპირობებული.

#### 4.5 დაუშვებელი ხარჯები<sup>2</sup>

შემდეგი სახის ხარჯები არ იფარება:

- ბიზნეს და ინფრასტრუქტურის პროექტების შემთხვევაში მიმდინარე ხარჯები, როგორცაა თანამშრომელთა ხელფასები, ოფისის ქირა, კომუნალური და საწვავის ხარჯები.

<sup>1</sup> გრანტის ფარგლებში დაფარული ხარჯები

<sup>2</sup> ხარჯები, რომლებიც არ იფარება გრანტის ფარგლებში

- სესხები და სესხის მომსახურების ხარჯები;
- დანაკარგების ან სავარაუდო სამომავლო ვალდებულებების რეზერვები;
- საპროცენტო გადახდები;
- ბენეფიციარის მიერ დეკლარირებული და სხვა პროექტით ან სამუშაო პროგრამით დაფარული ხარჯები;
- სასესხო საშუალებები/კრედიტი მესამე მხარეებზე.

**შენიშვნა:** კონტრაქტის ხელმოწერამდე შემოწმდება დოკუმენტაცია. წინასწარი შემოწმებისას უზუსტობის აღმოჩენის შემთხვევაში (მაგალითად, არარეალური ხარჯები ან სხვა დაუშვებელი ხარჯები), კანდიდატს ბიუჯეტის მოდიფიცირება მოეთხოვება. თუ პროცესის დროს დამატებითი კითხვები და განმარტებების საჭიროება გაჩნდა, შემფასებელმა კომისიამ შესაძლოა მოდიფიცირება ან შემცირება მოითხოვოს ამგვარი შეცდომების ან უზუსტობების აღმოფხვრის მიზნით. აღნიშნული კორექტირების შედეგად არ გაიზრდება გრანტის ოდენობა, ასევე CARE-ის თანადაფინანსების ოდენობა. აქედან გამომდინარე, კანდიდატის ინტერესებში შედის რეალისტური და რენტაბელური ბიუჯეტის უზრუნველყოფა.

## 5. ვის შეუძლია განაცხადის შემოტანა?

განმცხადებელი უნდა:

- იყოს სრულწლოვანი ფიზიკური პირი, ან საქართველოში რეგისტრირებული იურიდიული პირი, როგორცაა: კომერციული ინსტიტუტები, არასამთავრობო, არაკომერციული ორგანიზაციები და სამთავრობო ორგანოები;
- ჰქონდეს სასოფლო-სამეურნეო ან სოციალურ-ეკონომიკური განვითარების სფეროში სამუშაო გამოცდილება და უნარი;
- იყოს პირდაპირ პასუხისმგებელი პარტნიორებთან შესასრულებელი ღონისძიებების მომზადებასა და მართვაში, და არ ასრულებდეს უბრალოდ შუამავლის როლს.
- ახორციელებდეს საქმიანობას ლაგოდეხის მუნიციპალიტეტის ტერიტორიაზე.

CARE-სა და კერძო სექტორის შერჩეულ წარმომადგენლებს შორის დაიდება პირობითი ჩუქების ხელშეკრულება. გრანტის მიმღები პასუხისმგებელია ჩუქების ხელშეკრულებასთან დაკავშირებული ყველა გადასახადის გადახდაზე საქართველოს კანონმდებლობის გათვლისწინებული წესით.

**პრიორიტეტი მიენიჭება აპლიკანტებს:**

1. რომელთა ბენეფიციარებს წარმოადგენენ შემდეგი მოწყვლადი ჯგუფები:
  - ქალები
  - ახალგაზრდები
  - ეთნიკური უმცირესობები
  - განსაკუთრებული საჭიროებების მქონე ადამიანები
2. რომლებიც ხელს შეუწყობენ ინოვაციებისა და თანამედროვე ტექნოლოგიების დანერგვის წახალისებას.
3. რომლებიც უზრუნველყოფენ უფრო მეტ ფინანსურ მონაწილეობას.

საგრანტო პროგრამა მხარს არ დაუჭერს: პოლიტიკურ პარტიებს, რელიგიურ და პოლიტიკურ ორგანიზაციებს და ფინანსურ ინსტიტუტებს.

## **6. პროექტის ხანგრძლივობა**

დაფინანსებული პროექტის განხორციელება უნდა დაიწყოს კონტრაქტის ხელმოწერიდან ერთი თვის განმავლობაში, ხოლო საჭიროების შემთხვევაში შესაბამისი შესყიდვების განხორციელებისთანავე. პროექტის განხორციელების ვადები არ უნდა აღემატებოდეს 2017 წლის 31 აგვისტოს.

## **7. გრანტების ოდენობა და თანამონაწილეობა**

საგრანტო კონკურსის ფარგლებში მოთხოვნილი ნებისმიერი გრანტის ოდენობა უნდა შეესაბამებოდეს მინიმალური და მაქსიმალური თანხის მოთხოვნებს:

**კომერციული (არასასოფლო-სამეურნეო და სასოფლო-სამეურნეო)**

- მინიმალური ოდენობა - 5 000 ევრო
- მაქსიმალური ოდენობა - 30 000 ევრო

**სოციალური ინფრასტრუქტურის განვითარება/რეაბილიტაცია**

- მინიმალური ოდენობა - 3 000 ევრო
- მაქსიმალური ოდენობა - 20 000 ევრო

**სოციალური და არაკომერციული მიმართულებები:** ადვოკატირება, სოციალური აქტივობა, ცნობიერების ამაღლება, ტრენინგები

- მინიმალური ოდენობა : 1 000 ევრო
- მაქსიმალური ოდენობა : 10 000 ევრო



**კომერციულ (არასასოფლო-სამეურნეო და სასოფლო-სამეურნეო) საქმიანობასთან** დაკავშირებული გრანტის მოთხოვნაზე გათვალისწინებულია CARE-ის მთლიანი დაფინანსების მაქსიმუმ 75 %, აქედან გამომდინარე კანდიდატს მოეთხოვება პროექტის მოთხოვნილი თანხის სულ მცირე 25%-ის დაფინანსება. თანადაფინანსება უნდა ითვალისწინებდეს ფულად რესურსს.

**ისეთი ტიპის საქმიანობასთან (როგორცაა სოციალური ინფრასტრუქტურის განვითარება/რეაბილიტაცია და ა.შ.)** დაკავშირებული გრანტის მოთხოვნაზე გათვალისწინებულია CARE-ის მთლიანი დაფინანსების მაქსიმუმ 60%. აქედან გამომდინარე, კანდიდატს მოეთხოვება პროექტის მოთხოვნილი თანხის სულ მცირე 40%-ს თანადაფინანსება. თანადაფინანსება შესაძლებელია, როგორც ფულადი, ასევე, არაფულადი სახით.

**სოციალური და არაკომერციული ტიპის საქმიანობასთან (როგორცაა: ადვოკატირება, ცნობიერების ამაღლება, ტრენინგები)** დაკავშირებული გრანტის მოთხოვნაზე გათვალისწინებულია CARE-ის მთლიანი დაფინანსების მაქსიმუმ 90%. აქედან გამომდინარე, კანდიდატს მოეთხოვება პროექტის მოთხოვნილი თანხის სულ მცირე 10%-ის თანადაფინანსება. თანადაფინანსება შესაძლებელია, როგორც ფულადი, ასევე, არაფულადი სახით.

აპლიკანტის თანადაფინანსებად შესაძლებელია ჩაითვალოს ნებისმიერი წყაროდან მიღებული ფინანსური რესურსი, გარდა დონორთა დაფინანსებისა.

პროექტის წარმატებით დასრულების შემდგომ, CARE აპლიკანტს გადასცემს პროექტის ფარგლებში შეძენილი აქტივს იმ პირობით, თუ კანდიდატი განაცხადში დათქმულ ყველა პირობას შეასრულებს.

დაინტერესებულ პირებს შეუძლიათ წარმოადგინონ ერთზე მეტი განაცხადი წინამდებარე მოთხოვნის ფარგლებში, თუმცა, თითოეულ განმცხადებელს მხოლოდ ერთი გრანტი მიენიჭება.

## **8. განაცხადის წარდგენის წესი და შემდგომი პროცედურები**

იმისათვის, რომ წარდგენილი საპროექტო განაცხადი შეირჩეს დაფინანსებისთვის, თითოეულმა განმცხადებელმა უნდა გაიაროს ორი ეტაპი:



**I ეტაპი - საპროექტო იდეის წარდგენა****II ეტაპი - სრული განაცხადის მომზადება**

ყოველ ეტაპზე იქნება შერჩევის პროცესი, რომელსაც განახორციელებს „სოფლის თანამონაწილეობითი განვითარების პროექტის“ მიერ შექმნილი საგრანტო კომისია.

კომისია დაკომპლექტებული იქნება პროექტის გუნდისა და მოწვეული ექსპერტებისგან, რომელთა რაოდენობა განისაზღვრება წარმოდგენილი საპროექტო განაცხადის სპეციფიკიდან გამომდინარე. საგრანტო კომისიის მუშაობაში ასევე მონაწილეობას მიიღებენ ადგილობრივი განვითარების ჯგუფის (LAG) წევრები. საგრანტო კომისიის გადაწყვეტილება გაზიარებულ იქნება ლაგოდეხის განვითარების ჯგუფის (LAG) მმართველობითი საბჭოსათვის.

**შერჩევის I ეტაპი:****საპროექტო იდეის წარდგენა**

განმცხადებელი საგრანტო იდეის ფორმის (იხ.დანართი 1) საშუალებით იძლევა მოთხოვნილ ინფორმაციას, რომლის შეფასების საფუძველზეც გაირკვევა განმცხადებელი შერჩეული იქნება თუ არა პროექტის სრული განაცხადის ფორმის წარდგენისთვის.

განმცხადებელმა უნდა შეავსოს საგრანტო იდეის ფორმა და წარმოადგინოს:

ელექტრონული ვერსია მისამართზე: [nino.uglava@care.org.ge](mailto:nino.uglava@care.org.ge)

ნაბეჭდი ვერსია მისამართზე: 2700, ქ.ლაგოდეხი, ზაქათაღის ქ.23, ქვა საერთაშორისო კავკასიაში.

**საგრანტო იდეის მიღების ბოლო ვადაა 2016 წლის 20 ივნისი.**

განაცხადების წარდგენის შემდეგ განმცხადებელი მიიღებს შეტყობინებას განაცხადის მიღების შესახებ.

კანდიდატებმა განაცხადები უნდა წარადგინონ ქართულ ენაზე. მუნიციპალიტეტში მცხოვრები ეთნიკური უმცირესობების წარმომადგენლებს, ენობრივი ბარიერის წარმოქმნის შემთხვევაში შეუძლიათ მიიღონ კონსულტაცია ზემოაღნიშნულ მისამართზე.

**ხელნაწერი ვერსიები არ მიიღება, ასევე არ მიიღება განაცხადი, რომელიც წარმოდგენილი იქნება დადგენილი ვადის გასვლის შემდეგ.**

**9. საგრანტო იდეის შეფასება**

საგრანტო იდეის განაცხადი განიხილება და შეფასდება 6 ძირითად კრიტერიუმის მიხედვით:

შერჩევის კრიტერიუმები	შეფასება
კავშირი ადგილობრივი განვითარების სტრატეგიის პრიორიტეტებთან	25 ქულა
მოწყვლადი ჯგუფები და დასაქმება	20 ქულა
ინოვაცია და გარემოს დაცვა	15 ქულა
განმცხადებლის კვალიფიკაცია და გამოცდილება	15 ქულა
ბიუჯეტის დასაბუთება და პროექტის განხორციელების გეგმის რეალურობა	15 ქულა
პროექტის მდგრადობა / სიცოცხლისუნარიანობა	10 ქულა
<b>სულ</b>	<b>100 ქულა</b>

**განაცხადი, რომელიც 70, ან ნაკლებ ქულას დააგროვებს, არ შეირჩევა შემდეგ ეტაპზე სრული დასაფინანსებელი შემოთავაზების წარდგენაზე**, რის შესახებაც განმცხადებელს გაეგზავნება დასაბუთებული წერილობითი შეტყობინება.

წარმატებულ განმცხადებლებს დამატებით ეცნობებათ შემდგომი პროცედურების შესახებ.

შერჩევის პირველი ეტაპის წარმატებით გავლის შემდეგ 20 დღის განმავლობაში CARE მოიწვევს კონსულტანტებს / სფეროს სპეციალისტებს, რომლებიც დაეხმარებიან პირველ ეტაპზე შერჩეულ კანდიდატებს სრული განაცხადის შემუშავებაში.

საგრანტო კომისიის მეორე შეხვედრაზე მოხდება დასაფინანსებელი საპროექტო განაცხადების საბოლოო შერჩევა. სრული განაცხადების შემუშავებაზე შერჩევა არ ნიშნავს იმას რომ განაცხადი ავტომატურად იქნება დაფინანსებული.

**განაცხადის არ დამტკიცების შემთხვევაში:**

- განმცხადებელი მიიღებს წერილობით ახსნა-განმარტებას უარის თქმის მიზეზის შესახებ.
- საგრანტო კომისიის გადაწყვეტილება შესაძლებელია განხილულ იქნეს განმცხადებელთან ერთად დამატებითი არგუმენტირების მიზნით.

## II ეტაპი

### საპროექტო განაცხადის წარდგენა

საპროექტო იდეის განაცხადის დამტკიცების შემთხვევაში:

- განმცხადებელი გადადის მეორე ეტაპზე და შეეძლება სრული განაცხადის წარდგენა.
- განმცხადებელმა უნდა წარმოადგინოს, სრული განაცხადი, ბიზნეს გეგმა, დეტალური ბიუჯეტი და ქვემოთ ჩამოთვლილი სხვა დამხმარე დოკუმენტები:
  - რეგისტრაციის მოწმობა;
  - საჭიროების შემთხვევაში, კანდიდატის წესდება;
  - ცნობა ქონებაზე ყადაღის არქონის შესახებ;
  - საჭიროების შემთხვევაში, შესაბამისი ლიცენზია/ნებართვა მთავრობისგან/ადგილობრივი თვითმმართველობისგან, ან შესაბამისი სამსახურებისგან;
  - საჭიროების შემთხვევაში, მოძრავი ქონების საკუთრებისა და რეგისტრაციის მოწმობა;
  - ინფრასტრუქტურული პროექტების შემთხვევაში, კანდიდატმა უნდა წარმოადგინოს თანხმობის ფურცელი, რომელსაც ხელს აწერს სამიზნე ტერიტორიაზე (ტერიტორიებზე) მცხოვრები საკომლო სიის 60%. კომლიდან 1 ადამიანის ხელმოწერა.
  - წარმოდგენილი პროექტის სპეციფიკიდან გამომდინარე სხვა დამატებითი დოკუმენტაცია.

კანდიდატებმა განაცხადები უნდა წარადგინონ ქართულ ენაზე, ხოლო განსაკუთრებული საჭიროების შემთხვევაში რუსულ ენაზე. (მუნიციპალიტეტის ტერიტორიაზე მცხოვრები ეთნიკური უმცირესობების საჭიროებების გათვალისწინებით)

ხელნაწერი განაცხადები არ მიიღება.

გთხოვთ, გაითვალისწინოთ, რომ არასრულად წარმოდგენილი შემოთავაზებები შესაძლოა უარყოფილ იქნას. ვადის ამოწურვის შემდგომ წარმოდგენილი წინადადებები არ განიხილება.

წარმოსადგენი დოკუმენტაციის სია / ჩამონათვალი ივსება განაცხადის წარმოდგენის დღეს, რაც გამორიცხავს არასრული განაცხადების მიღებას.

## 10. დოკუმენტაციის წარდგენის პროცედურები

განაცხადები მიიღება როგორც ნაბეჭდი, ასევე ელექტრონულ ფოსტაზე გამოგზავნილი ფორმით შემდეგ ელექტრონულ და საფოსტო მისამართებზე:

[nino\\_uglava@care.org.ge](mailto:nino_uglava@care.org.ge)

### 2700, ქ.ლაგოდეხი, ზაქათალის 23, ქვა საერთაშორისო კავკასიაში

ფაქსით ან სხვა ელექტრონული საშუალებით, ასევე სხვა საფოსტო მისამართზე გაგზავნილი საპროექტო განაცხადები არ მიიღება.

საპროექტო დოკუმენტების ელექტრონული ფოსტით გაგზავნის შემთხვევაში განმცხადებელს ავტომატურად დაუდასტურდება წერილის მიღება.

პირადად მიწოდებისას საკონკურსო განაცხადის ნაბეჭდი ასლის მომწოდებლები მიიღებენ სარეგისტრაციო ნომერს.

განაცხადი უნდა შეიცავდეს საპროექტო განაცხადის დასრულებულ ფორმას, რომელსაც თან დართული ექნება სხვა საჭირო დოკუმენტაცია. იმ შემთხვევაში, თუ განმცხადებელი ერთზე მეტ განაცხადს აგზავნის, მაშინ თითოეული განაცხადის წარდგენა ცალ-ცალკე უნდა მოხდეს. განაცხადის ნაბეჭდი ასლი უნდა იქნას მოწოდებული დალუქულ კონვერტში პირადად, ან გამოგზავნილი კერძო საკურიერო სერვისის მეშვეობით ზემოთ აღნიშნულ მისამართზე.

განმცხადებლის მიერ წარმოდგენილი კონვერტი დასათაურებული უნდა იყოს შემდეგნაირად : **საკონკურსო განაცხადი - "სოფლის თანამონაწილეობითი განვითარება"**.

ასევე კონვერტზე მითითებული უნდა იყოს კონკურსანტის სახელი, გვარი (იურიდიული პირის შემთხვევაში სახელწოდება) და მისამართი. დასრულებული საპროექტო განაცხადისა და სხვა საჭირო დოკუმენტაციის წარდგენა ასევე უნდა მოხდეს ელექტრონული ფორმატის სახით კომპაქტ დისკზე (CD-Rom) ჩაწერილ რამდენიმე ან ერთ მთლიან ფაილად (განაცხადის ფორმა არ უნდა დაიშალოს რამდენიმე სხვადასხვა ფაილად). საპროექტო განაცხადის ელექტრონული ვერსია ნაბეჭდი ასლის იდენტური უნდა იყოს.

## 11. განაცხადების მიღების ბოლო ვადა

მეორე ეტაპისათვის საპროექტო განაცხადების მიღების ბოლო ვადა განისაზღვრება პირველ ეტაპზე შერჩეული განაცხადების განხილვის დასრულების შემდეგ. პირველ ეტაპზე

შერჩეული ნებისმიერი განაცხადი, რომელიც დოკუმენტების წარდგენის ვადის გასვლის შემდეგ მიიღება, ავტომატურად იქნება უარყოფილი.

## 12. საპროექტო განაცხადებთან დაკავშირებით დამატებითი ინფორმაცია

დაინტერესებულ მხარეებს შეუძლიათ იხილონ საგრანტო კონკურსთან დაკავშირებული დამატებითი ინფორმაცია და დოკუმენტები, მათ შორის ლაგოდების მუნიციპალიტეტის განვითარების სტრატეგიის ძირითადი პრიორიტეტული მიმართულებები, მითითებულ ვებ გვერდზე: [www.care-caucasus.org.ge](http://www.care-caucasus.org.ge)

საგრანტო კონკურსთან დაკავშირებით, დამატებითი ინფორმაციისათვის შეგიძლიათ მოგვწეროთ ქვემოთ მითითებულ ელექტრონულ მისამართზე. (წერილში გარკვევით მიუთითეთ "საგრანტო კონკურსი")

ელ.ფოსტა: [nino\\_uglava@care.org.ge](mailto:nino_uglava@care.org.ge)

ან დაუკავშირდეთ სოფლის თანამონაწილეობითი განვითარების პროექტის ტექნიკურ კოორდინატორს მალხაზ ტალახაძეს საკონტაქტო ნომერზე - 577 77 65 22

**დანართები:**

დანართი I - საგრანტო იდეის განაცხადის ფორმა

დანართი II - ლაგოდების მუნიციპალიტეტის ადგილობრივი განვითარების სტრატეგიული პრიორიტეტები

დანართი III - ხშირად დასმული შეკითხვები

